

Hem Neeg Pov Npav Kom Ntshai / Tub Ceevwm Tsoomfwv nyob tom Cov Chaw Pov Npav

Qhia txog qhov tseem ceeb

Txoj kev ywjpheej los pov npav yog lub hauv paus ruaj khov uas txhawb peb txoj kev ywjpheej. Kev pov npav yog ib txoj kev uas peb siv los pab tiv thaiv peb cov cai thiab kev ywjpheej, thiab pab tsim kho peb lub tebchaws, lub xeev, thiab lub zos. Txhua tus pejxeem uas muaj cai pov npav muaj txoj cai pov npav ywjpheej, ncaj ncees, thiab muaj kev nkag tau yoojyim – tsis txhob ntshai raug dag lossis raug hem. Vim Thawj Tswj Fwm Trump thiab nws cov thawj coj tseem siv cov hwjchim tsis raws cai txuas ntxiv mus, nws haj yam tseem ceeb los mus npaj ua ntej thiab kawm txog koj cov cai thaum mus pov npav.

Koj muaj cai pov npav ywjpheej tsis raug hem

- Txhua tus pejxeem uas muaj cai pov npav muaj txoj cai pov npav ywjpheej, ncaj ncees, thiab muaj kev nkag tau yoojyim – tsis txhob ntshai raug dag lossis raug hem.
- Nws yog ib qho txhaum cai los hem cov neeg pov npav thiab yog ib lub txim ntawm tsoomfwv rau leej twg los xij—suav cov thawj coj ntawm tsoomfwv, lub xeev, thiab hauv zos tibi – los mus “hem, hawv, [lossis] yuam ... ib tug neeg nrog lub homphiaj los cuam tshuam lwm tus neeg txoj cai pov npav lossis pov npav raws li nws xaiv.” Coob lub xeev kuj muaj txoj cai txwv tsis pub hem cov neeg pov npav.
- Nws txhaum txoj cai tso cov tub ceevwm ntawm U.S. Immigration and Customs Enforcement (ICE) lossis lwm cov thawj coj rau tsoomfwv, U.S. cov tub rog, lossis tsoomfwv lossis xeev cov tub rog National Guard los mus cuam tshuam nrog kev xaiv tsa thiab txoj cai muaj los mus pov npav.
- Ntxiv li ntawd, tsoomfwv txoj cai txwv meej tsis pub muaj tsoomfwv cov tub ceevwm nqa phom tuaj nyob rau tom cov chaw pov npav.
- ***Cov kev pivtxwv hem cov neeg pov npav txhaum cai muaj xws li:***
 - Tso tsoomfwv cov tub ceevwm immigration lossis tsoomfwv cov tub rog National Guard nkag mus rau hauv lossis nyob ib ncig ntawm cov chaw pov npav hauv cov zej zog uas lawv txhob txwm xaiv thaum lub sijhawm pov npav ntxov lossis rau Hnub Pov Npav (Election Day) los mus sim txwv ua kom neeg tsis txhob mus pov npav
 - Tsoomfwv cov tub ceevwm hnav khaub ncaws ua haujlwm tuaj nyob tom cov chaw pov npav nyob ze soj cov neeg pov npav, nug cov neeg pov npav, nug txog kev dag pov npav, lwm yam.

- Cov neeg soj ntsuam kev xaiv tsa ntawm U.S. Department of Justice nyob tom cov chaw pov npav koj dhau lawv txoj luag haujlwm saib xyuas thiab koj cov cwj pwm uas hem kom lwm tus ntshai.
- Cov neeg uas nqa riam phom uas muaj tus cwj pwm hem neeg ntshai tom cov chaw pov npav. Tej cov xeev txwv tsis pub nqa phom thiab riam kiag li hauv cov chaw pov npav, thiab yuav luag txhua lub xeev txwv tsis pub nqa phom hauv cov chaw pov npav nyob hauv cov tsev kawm ntawv.
- Kev nug cov neeg pov npav hnyav heev txog lawv kev ua xamxaj, keebkwm txhaum cai, lossis lwm yam tsim nyog los pov npav.
- Dag sawv cev tias nws yog ib tug neeg ua haujlwm hauv kev xaiv tsa lossis ib tug tub ceevwm rau tsoomfwv, xeev, lossis hauv zos.
- Nqa cov paib cuav lossis cob qhia yuam kev txog kev pov npav dag thiab cov txim txhaum cai uas cuam tshuam, nyob hauv lossis ze cov chaw pov npav, lossis qhia txog tej yam tsis muaj tseeb txog lub sijhawm, qhov chaw, lossis yuav pov npav li cas.
- Lwm hom kev thab zes, tshwj xeeb yog txhob txwm xaiv cov tib neeg tsis txawj hais lus Askiv thiab cov neeg pov npav tsis yog neeg tawv dawb.
- Tshaj tawm qhia tej yam tsis muaj tseeb txog cov cai thiab tej yam yuav tsum muaj los mus pov npav.

Yuav ua li cas yog muaj lus ceebtom hais tias muaj ICE, National Guard, lossis lwm cov tub ceevwm tsoomfwv nyob hauv koj lub zejzog thaum pov npav ntxov lossis Hnub Pov Npav (Election Day).

- Npaj koj txoj kev pov npav tamsim no thiab xav txog pov npav los ntawm xa ntawv mus yog hais tias muaj sijhawm txaus. Koj muaj feem thov cov ntawv pov npav xa ntawv mus hauv [online](#).
- Xav txog pov npav ntxov li ntxov tau thaum lub sijhawm pov npav ntxov [early voting period](#).
- Txawm hais tias cov neeg hauv tsev muaj feem nrog tau tus neeg pov npav mus uake es cov neeg hauv tsev neeg ntawd yog xamxaj los tsis yog, tabsis yuav tau xyuam xim heev, tejzaum yuav zoo dua yog hais tias cov neeg tsis yog xamxaj tsis txhob nrog lawv cov neeg hauv tsev neeg mus tom cov chaw pov npav.
- Nco ntsoov:
 - Koj muaj cai pov npav uas tsis txhob muaj kev hem.
 - Koj tsis tas yuav txawj hais lus Askiv thiaj li pov npav tau.
 - Koj tsis tas yuav xeeb dhau ib qho kev xeeb thiaj li muaj cai pov npav.

- Yuav tsum muaj daim duab ID thaum mus pov npav hauv North Carolina. Tabsis, yog hais tias ib tug neeg pov npav tsis muaj peevxwm muab tau ib daim duab ID uas lees txais thaum mus pov npav, lawv yeej tseem pov npav tau los ntawm kev sau ib daim ntawv “ID Exception Form.” Yog lawv tsis muab ib daim “ID Exception Form” rau koj, koj yuav tsum hais kom lawv muab ib daim rau koj. Koj mus nrhiav tau daim ntawv teev tagnrho cov duab ID uas lees txais rau kev pov npav ntawm lub vassab State Board of Elections website.
- Qhia kev hem (lossis lwm yam teebmeem koj ntsib thaum mus pov npav) mus rau Election Protection Hotline ntawm 1-866-OUR-VOTE lossis 1-888-VE-Y-VOTA (hais lub Spanish lossis Askiv), 888-API-VOTE (Cov lus Esxias/Askiv), 844-YALLA-US (lus Arabic/Askiv).
- Qhia kev hem rau cov thawj coj xaiv tsa hauv zos. Lawv cov chaw ua haujlwm yuav qhib rau Hnub Xaiv Tsa (Election Day).

Yuav ua li cas yog hais tias tub ceev xwm hauv zos lossis tsoomfwv lossis Nation Guard nres koj thaum koj tseem tabtom pov npav.

Nco ntsoov:

- Cov neeg ua haujlwm rau tsoomfwv tsis muaj feem ntes lossis kaw koj yog hais tias tsis muaj laj thawj tsim nyog hais tias koj tau ua txhaum cai lossis txhaum cai ntawm immigration.
- Ua siab tus tus nyob twj ywm thiab tsis txhob siv koj lub cev los tawm tsam tub ceev xwm. Cia koj ob txhais tes tawm kom lawv pom.
- Nco zoo txog qhov ua tabtom tshwm sim–suav qhov ua tshwm sim ua ntej koj raug nres tibsi, cov lus tub ceev xwm hais thiab ua thaum lawv nres koj, thiab seb puas muaj leej twg sau tseg qhov xwm txheej tshwm sim ntawd–es koj thiaj li piav qhia tau rau ib tug kws lij choj tom qab.

Koj Cov Cai

- Koj muaj feem nug thaum twg los tau seb koj mus puas tau thaum lub sijhawm nej sib tham ntawd. Hais tias, “Kuv mus puas tau?” Yog lawv teb hais tias “tau,” ces koj muaj cai taug kev tawm mus. Yog lawv teb hais tias tsis tau, ces koj raug nres lawm thiab yuav tsum nyob twj ywm ntawm kom txog thaum lawv hais tias koj muaj cai tawm mus.

- Koj muaj txoj cai tsis hais lus. Yog koj xaiv ua li ntawd, hais kom nrov. North Carolina txoj cai tsis yuam kom koj muab koj lub npe lossis lwm yam ntaub ntawv qhia txog koj tus kheej rau tub ceev xwm. Tabsis, nyob ntawm qhov xwm txheej, yog koj tsis kam qhia txog koj tus kheej rau tub ceev xwm, tejzaum koj yuav raug foob kev tawm tsam, ncua sijhawm, lossis cuam tshuam tub ceev xwm kev ua haujlwm thaum lawv ua lawv txoj haujlwm. Yog hais tias tus tub ceev xwm pheej yuav paub koj lub npe xwb lossis lwm yam qhia txog koj tus kheej, koj ua zoo hais tias txoj cai hauv lub xeev tsis yuam kom koj muab cov ntaub ntawv qhia thiab nug lawv hais tias vim li cas lawv thiaj li nug tej ntaub ntawv no. Nyob ntawm seb lawv teb li cas, koj mam li txiav txim siab seb koj puas yuav muab cov ntaub ntawv uas lawv nug ntawd. Tabsis, txawm koj qhia koj lub npe lawm los, koj tsis tas yuav teb lwm cov lus nug lawm.
- Tsis tas koj yuav tso cai rau tub ceev xwm tshawb koj tus kheej lossis koj cov khoom, tabsis tejzaum tub ceev xwm yuav kov xuas koj lub cev sab nraud koj cov khaub ncaws yog lawv xav hais tias koj muaj riam phom. Yog tub ceev xwm pib tshawb, koj hais tau tias: “Kuv tsis tso cai rau koj tshawb.”
- Nco ntsoov hais tias koj tsis tas yuav qhib koj lub xovtooj lossis muab koj lo lus zais “password” rau tsoomfwv cov tub ceev xwm yog hais tias lawv tsis muaj daim ntaub ntawv “warrant” tso cai los ntawm tsev hais plaub. Kom kev ruaj ntseg ntxiv, kaw kev txheeb paub tus kheej siv “biometrics” xws li Face ID.
- Qhia kev hem (lossis lwm yam teebmeem koj ntsib thaum mus pov npav) mus rau Election Protection Hotline ntawm 1-866-OUR-VOTE lossis 1-888-VE-Y-VOTA (hais lub Spanish lossis Askiv), 888-API-VOTE (Cov lus Esxias/Askiv), 844-YALLA-US (lus Arabic/Askiv).

Yuav ua li cas yog hais tias muaj neeg nug txog koj qhov txheej txheem immigration

- Tsis txhob dag txog koj qhov xwm txheej xamxaj, koj lub npe, lossis muab cov ntaub ntawv cuav rau lawv. Tshwj yog yuav tsum tau muab, nyob ntawm seb koj qhov xwm txheej immigration yog li cas, tsis txhob muab koj cov ntaub ntawv txawv tebchaws rau lawv.
- Feem ntau, koj muaj cai tsis hais/teb lus thiab koj tsis tas yuav qhia txog koj qhov xwm txheej immigration lossis xamxaj (lossis lwm yam ntxiv). Nws yog ib qho tseem ceeb uas yuav tsum paub hais tias yog koj siv txoj cai no thiab/lossis tsis muaj cov ntaub ntawv tsim nyog, tejzaum tus tub ceev xwm immigration yuav tuav koj ntev dua los mus tshawb xyuas koj qhov txheej xamxaj kom paub tseeb.
- Yog koj tsis yog ib tug neeg xamxaj U.S., tejzaum txoj kev cai yuav kom koj yuav tsum nqa qee yam ntaub ntawv immigration raws li koj qhov xwm txheej tshwj xeeb thiab

muab lawv rau cov neeg ua haujlwm rau tsoomfwv thaum lawv nug saib koj cov ntaub ntawv immigration.

- Nqa nrog koj cov ntaub ntawv povthawj qhia tias koj tau nyob hauv U.S. ntev tshaj ob xyos, xws li ntawv uas muaj lub thwj ntau hnuv tim xa tuaj tom koj lub tsev lossis daim ntawv xauj tsev uas kos npe lawm vim hais tias tejzaum cov ntaub ntawv no yuav pab txo txoj kev pheej hmoov uas koj yuav raug coj mus rau hauv qhov txheej txheem xa tawm tebchaws es tsis muaj sijhawm los piav koj qhov teebmeem.

Yuav ua li cas yog hais tias koj raug ntes thaum tabtom yuav pov npav

- Yog koj raug ntes, koj muaj feem siv koj txoj cai tsis hais/teb lus thiab thov muaj ib tug kws lijchoj
- Yog koj xav siv cov cai no, koj yuav tsum hais tias “Kuv xav tsis hais/teb lus” thiab “Kuv xav nrog ib tug kws lijchoj tham” tom qab ntawd, tsis txhob teb cov lus nug ntxiv lossis kos npe rau tej ntaub ntawv li yog tsis muaj ib tug kws lijchoj nyob ntawd nrog koj.

Visit acluofnc.org/kyr-voter-intimidation for this information in additional languages.